



ა(ა)იპ ლაგოდების მუნიციპალიტეტის კულტურის, სპორტისა

და ახალგაზრდობის საქმეთა განვითარების ცენტრი

(ანგარიში 01.01.2023 / 01.10.2023)

კულტურის, სპორტისა და ახალგაზრდობის საქმეთა განვითარების ცენტრი ბიუჯეტი განისაზღვრა 1,225,000 ლარით. აქედან, კულტურის სფეროს დაწესებულებების ხელშეწყობა 302,950, სპორტული დაწესებულებების ხელშეწყობა 80.000 ლარი, ახალგაზრდების მხარდაჭერა 38 000 ლარი, ხოლო ოფისი 804,050 ლარით განისაზღვრა. ღონისძიებების გეგმა შეადგენს 185,560 ლარს, რომელიც გათვალისწინებულია წლის მანძილზე 98 დაგეგმილი ღონისძიება/აქტივობების ორგანიზებისთვის.

აქედან,

- ❖ კულტურის მიმართულებით - 47 ღონისძიებისთვის (კულტურა 26, მუზეუმი 7, თეატრი 8 სპექტაკლი, ბიბლიოთეკა 6 ღონისძიება) - 100,080 ლარი განისაზღვრა;
- ❖ სპორტის მიმართულებით 26 ღონისძიებისთვის - 11,500 ლარი განისაზღვრა; (საანგარიშ პერიოდში განხორციელდა 18 ღონისძიება)
- ❖ ახალგაზრდობა/მოსწ. ახალგაზრდობა 21 ღონისძიებისთვის - 28,300 ლარი განისაზღვრა; (საანგარიშ პერიოდში განხორციელდა 7 ღონისძიება)

კულტურა

საანგარიშო პერიოდში, სამსახურის მიერ ორგანიზებული/განხორციელებული იქნა შემდეგი პროექტები/ღონისძიებები:

- საქართველოს „სახელმწიფო დროშის დღე“;
- დედის დღესთან დაკავშირებით, ღონისძიება სპეციალური საჭიროების მქონე პირთა დედებისათვის. ღონისძიებაში მონაწილეობა მიიღეს ადგილობრივმა შემოქმედებითმა ჯგუფებმა, ქალბატონებს გადაეცათ ყვავილები;
- სამსახურის ცენტრის მიერ განხორციელდა საგანმანათლებლო, შემეცნებითი ლექცია-სემინარი, რომელიც მწერალმა, საქართველოს ეროვნული ბიბლიოთეკის გენერალურმა დირექტორმა, გიორგი პეკელიძემ გამართა. ღონისძიება, ახალგაზრდული საბჭოების ჩართულობით განხორციელდა და მასში ასზე მეტმა ახალგაზრდამ მიიღო მონაწილეობა;
- „დაუნის სინდრომის მქონე“ ბავშვების საერთაშორისო დღესთან დაკავშირებით სხვადასხვა აქტივობები;
- სოფელ გიორგეთში, პასკის ფესტივალი, ღონისძიებაზე წარმოდგენილი იყო პასკის კონსურსი, ღვინო და ქართული ტრადიციული კერძები, ხელნაკეთი ნივთების გამოფენა, ადგილობრივი შემოქმედებითი ჯგუფების მიერ შესრულებული კონცერტი და საბავშვო გასართობ აქტივობები.

ფესტივალზე გამოვლენილი „ყველაზე გემრიელი და ორიგინალური პასკის“ კონდიტერი, საპატიო სიგელით და საჩუქრებით დაჯილდოვდა.

- საქართველოს „დამოუკიდებლობის დღე“, ქალაქის შემოსასველი და ცენტრის მიმდებარე ტერიტორია ეროვნული მოტივებით შექმნილი დეკორაციებით და სახელმწიფო დროშებით მოირთო;
- ფოლკლორული საღამო „შემოვინახოთ ერის საუნჯე, სიტყვა ქართული, სიტყვა ხალხური“, ღონისძიება ქართული ენის დღეს მიეძღვნა და მასში, მუნიციპალიტეტში მოქმედმა სხვადასხვა ქორეოგრაფიულ და ფოლკლორულმა ანსამბლებმა მიიღეს მონაწილეობა.
- სოფლის ტრადიციული სახალხო დღესასწაული „თელაობა“, წელს სოფელი „თელა 116 წლის“ გახდა. გაიმართა კონცერტი ადგილობრივი შემსრულებლების მონაწილეობით, ასევე ჩატარდა შეჯიბრი მინი ფეხბურთში;
- 9 მაისს ფაშიზმზე გამარჯვების დღე აღინიშნა. მეორე მსოფლიო ომის დასრულებიდან 78 წელი გავიდა, ამ დღესთან დაკავშირებით მემორიალი გვირგვინით შეიმკვ;
- „ეროვნული სამოსის დღე“, ღონისძიებაზე მოეწყო ეროვნული სამოსის ფოტო გამოფენა და ახალგაზრდების მიერ ეროვნული სამოსის ჩვენება, გაიმართა კულტურული ღონისძიება ადგილობრივი ანსამბლების მონაწილეობით;
- სოფ. ლელიანის კულტურის სახლში ჯგუფი „ქართველის“ სოლო კონცერტი;
- „ბავშვთა დაცვის საერთაშორისო“ დღე, მოეწყო ანიმატორების შოუ, ოჩოს შოუ, რობოტების შოუ, სახეზე ხატვა, ადგილზე ხატვა, ანიმაციური გმირების წარმოდგენა;
- პროექტი „ლაგოდეხის ცის ქვეშ“ ფარგლებში, პროექტის ფარგლებში მოეწყო, საბავშვო გასართობი შოუ, ანიმაციური გმირები წარმოდგენა, Dj.ALEX SET. ზაფხულის გასართობი საღამოები ლაგოდეხის მუნიციპალიტეტის მასშტაბით 12 ადმინისტრაციულ სოფელში ჩატარდა.
- პროექტი „საზაფხულო სკოლა“-ს ფარგლებში 100-მა ბავშვმა მიიღო მონაწილეობა. 4 დღის განმავლობაში ბავშვებმა განივითარეს კომუნიკაციური ინდივიდუალურ-ჯგუფური უნარები, შეიძინეს მეგობრები. პროექტის ფარგლებში ქ. თელავში, ბავშვთა გასართობ ცენტრში ექსკურსია მოეწყო.
- „ნაყინის ფესტივალი“, ფესტივალის ფარგლებში, წარმოდგენილი იყო, კონკურსები, ზღაპრის გმირების და ანიმატორების გასართობი პროგრამები, დიდი საპნის ბუშტების და ილუზიონისტების შოუ, ატრაქციონები. ჯგუფი Mix2ra • მიქსტურა-ს კონცერტი გაიმართა;
- სოფელ მაწიმში, სოფლის დღესასწაული „მელიცხოვლობა“, სხვადასხვა საბავშვო გასართობი და სპორტული აქტივობებით;
- სოფელ ვარდისუბანში სოფლის დღესასწაული, ღვთისმშობლის მიძინების დღე „მარიამობა“, სხვადასხვა საბავშვო გასართობი და სპორტული აქტივობებით;
- სოფელ თამარიანში, საქართველოს ერთიანობისთვის მებრძოლი „გია დუღაშვილის“ ხსოვნისადმი მიძღვნილი ღონისძიება, გაიმართა სპორტული შეჯიბრებები მინი-ფეხბურთსა და მკლავჭიდში, ადგილობრივი შემოქმედებითი ჯგუფების მონაწილეობით კონცერტი;
- ტრადიციული სახალხო დღესასწაული „ჰერეთობა-2023“, საზეიმო ღონისძიებები მთელი დღის განმავლობაში მიმდინარეობდა. ამ დღის აღსანიშნავად, ტყე-პარკის მიმდებარე ტერიტორიაზე სხვადასხვა, კულტურულ-შემეცნებითი და გასართობი აქტივობები გაიმართა. ღონისძიებაზე, მუნიციპალიტეტის ტერიტორიული ერთეულების, საჯარო სკოლების წარმომადგენლებისა და საბავშვო ბაგა-ბაღების აღსაზრდელების მიერ წარმოდგენილი იყო თეატრალიზებული საშემოდგომო კუთხეები; ადგილობრივ მეწარმეთა მიერ მოეწყო ღვინისა და არყის მომზადება/დეგუსტაცია; ქართული ტრადიციული კერძების დაგემოვნება. გაიმართა კონცერტი ადგილობრივი შემოქმედებითი ანსამბლების მონაწილეობით და გალა კონცერტი, დუეტი „ლეონის“, ჯგუფი „ქუჩის ბიჭებისა“ და ბარბარე სამხარაძის მონაწილეობით;

➤ „აფენობა 2023“, კულტურულ-სპორტული და გასართობი აქტივობები მიმდინარეობდა: საჯარო სკოლების წარმომადგენლებისა და საბავშვო ბაგა-ბაღების აღსაზრდელების მიერ, წარმოდგენილი თეატრალიზებული საშემოდგომო კუთხეები. მუნიციპალიტეტის სოფლებს შორის საფეხბურთო მატჩი და ჭიდაობა გაიმართა. ადგილობრივი შემოქმედებითი ანსამბლებისა და ჯგუფი „რეზო და ბავშვები“-ს მონაწილეობით კონცერტით დასრულდა.

საანგარიშო პერიოდში, მოეწყო ფოლკლორული საღამო „შემოვინახოთ ერის საუნჯე, სიტყვა ქართული, სიტყვა ხალხური“. ასევე, სოფელ ლელიანის კულტურის სახლში ჯგუფი „ქართველის“ სოლო კონცერტი გაიმართა.

სამსახურის ცენტრის მიერ განხორციელდა საგანმანათლებლო, შემეცნებითი ლექცია-სემინარი, რომელიც მწერალმა, საქართველოს ეროვნული ბიბლიოთეკის გენერალურმა დირექტორმა, გიორგი კეკელიძემ გამართა. ღონისძიება, ახალგაზრდული საბჭოების ჩართულობით განხორციელდა და მასში ასზე მეტმა ახალგაზრდამ მიიღო მონაწილეობა.

მუზეუმი

ქ.ლაგოდებში საანგარიშო პერიოდში საზეიმოდ გაიხსნა ახლად რეაბილიტირებული ისტორიული „მუზეუმი“, რომელიც ევროკავშირისა და ადგილობრივი ბიუჯეტიდან მუნიციპალიტეტის მიერ დაფინანსდა. რეაბილიტაციის ფარგლებში განახლდა შენობის ინტერიერი და ღობე. მოწესრიგდა მუზეუმის ეზო, მოეწყო ღია სამკითხველო სივრცეები და ადაპტირებული ღია სცენა. წლობით ყუთებში ჩაწყობილი არტეფაქტები გამოიფინა და განლაგდა თაროებზე მოწყობილ ფონდსაცავებში.

ცენტრის მიერ გაიმართა „ეროვნული სამოსის დღე“, სადაც მოეწყო ეროვნული სამოსის ფოტოგამოფენა და ახალგაზრდების მიერ ეროვნული სამოსის ჩვენება. საანგარიშო პერიოდში, ცენტრის მიერ სოფელ ჭიაურში აღმოჩენილ იქნა ეკლესია, რომელიც გადაეცა ძეგლთა დაცვის სამინისტროს.

ბიბლიოთეკა

საანგარიშო პერიოდში, სოფელ ვარდისუბნის სასოფოლო ბიბლიოთეკაში, ხმამაღალი კითხვის საერთაშორისო დღესთან დაკავშირებით ღონისძიება გაიმართა, სადაც აქტიურმა მკითხველებმა შემდეგი ნაწარმოებები წაიკითხეს და დისკუსია გამართეს: ვაჟა-შაველას - „წიგნი+ერი“ და „ია; გოდერძი ჩოხელის - „მართა“; რევაზ ინანიშვილის - „ფიროსმანი“.

ლაგოდების მუნიციპალიტეტის ცენტრალურ ბიბლიოთეკაში, გამომცემლობა „წიგნი+ერმა“ უმასპინძლა. „გამომცემლობა „წიგნი+ერი“ და თანამედროვე მწერლები რეგიონებში“ ფარგლებში, გამომცემლობის წარმომადგენლებმა ისაუბრეს თავიანთ საავტორო წიგნებზე და მათ ნამუშევრებზე, ასევე მოეწყო წიგნების გამოფენა/გაყიდვა.

თეატრი

საანგარიშო პერიოდში, ლაგოდების თოჯინების თეატრმა, მუნიციპალიტეტის 15 თემის საბავშვო ბაღებში და საჯარო სკოლებში, გასვლითი სპექტაკლების ჩვენება გამართა, სადაც წარმოდგენილი იქნა, მ. მახათაძის (თანამედროვე ვარიანტი) პიესა „წითელქუდა“; ფერნანდო არაბალის ტრაგიკომედიით „პიკნიკი“; (რეჟისორი - რაჟდენ კერვალიშვილი)

საანგარიშო პერიოდში, ლაგოდეხის დრამატული და თოჯინების თეატრის თოჯინები განახლდა. განახლებული თოჯინებით პრემიერა „ზოგჯერ თქმითაც დაშავდების“ გაიმართა. პრემიერა ლაგოდეხის მუნიციპალიტეტის, ევროკავშირის, გაეროს განვითარების პროგრამის და საქართველოს პერსონალურ მონაცემთა დაცვის სამსახურის ხელშეწყობით ჩატარდა.

სპორტი

საანგარიშო პერიოდში, მუნიციპალიტეტში ჩატარდა, ევროპისა და მსოფლიო პრიზიორის ვახტანგ (ვატა) შიხაშვილის, რიგით მე-19 ტურნირი მკლავჭიდში, ასევე, თემებში სხვადასხვა ტიპის შეჯიბრებები უბნებს შორის ფრენბურთსა და მინი-ფეხბურთში; სპორტის საერთაშორისო დღესთან დაკავშირებით, მუნიციპალიტეტის გუნდებს შორის ჩემპიონატი გაიმართა ფეხბურთსა და ფრენბურთში.

საანგარიშო პერიოდში, ცენტრის მიერ განხორციელდა შემდეგი ღონისძიებები:

- 9 აპრილს, სოფელ კართუბანში, მამუკა ნოზაძის ხსოვნისადმი მიძღვნილი სპორტული ღონისძიებები: ფეხბურთში, ქართულ ჭიდაობასა და მკლავჭიდში;
- სოფელ აფენში „არჩილ კაციტაძის ხსოვნისადმი მიძღვნილი ტურნირი ფეხბურთში“;
- სოფელ ცოდნისკარში, „დავით ტუხაშვილის ხსოვნისადმი მიძღვნილი ტურნირი მინი-ფეხბურთში“;
- სოფელ გიორგეთში ჯიმშერ მაისურაძის სხოვნისადმი მიძღვნილი ღონისძიება - „ჯიმშერობა“. სპორტული აქტივობები, მინი ფეხბურთსა და ქართულ ჭიდაობაში.
- სოფელ ჭიაურში, გია დუღაშვილის ხსოვნისადმი მიძღვნილი ტურნირი ფეხბურთში;
- სოფელ აფენში (აფენობა 2023), კახეთის გუნდური ჭიდაობა;
- სოფელ ჭაბუკიანში, გიორგი მუმლაძის სახელობის ტურნირი მინი ფეხბურთში;
- სოფელ მსხალგორში აფხაზეთის ომში დაღუპული „გელა გელაშვილი“-ს სახელობის ტურნირი მინი-ფეხბურთში;
- სოფელ ნინიგორში, „შმაგი ნოზაძის“ სახელობის ტურნირი მინი -ფეხბურთში;
- სოფელ ბაისუბანში, აფხაზეთის ომში დაღუპული „გიორგი მაჭარაშვილის“ ხსოვნის დღე.

ახალგაზრდობის მიმართულებით განხორციელებული ღონისძიებები

პროექტის - „კინო სკოლაში“ ფარგლებში, სოფელ ვარდისუბნისა და სოფელ შრომის საჯარო სკოლებში, მოკლემეტრაჟიანი ანიმაციური ფილმების - "არა იპარო" და "ხარბი ძალლის" ჩვენება მოეწყო.

ცენტრის მიერ გაიმართა ხატვის კონკურსი - „იღვიძებს ბუნება“ (3 ეტაპად), სადაც მონაწილეობა, მიიღო მუნიციპალიტეტის ყველა საჯარო სკოლის ნორჩმა 90-მა მხატვარმა.

საანგარიშო პერიოდში, სასკოლო ოლიმპიადის ფარგლებში შემდეგი კონკურსები გაიმართა:

- „სახალისო მათემატიკა“;
- ლიტერატურული კონკურსი, „ნორჩი პოეტები და პროზაიკოსები“.
- „ქართული მარტო ენა?! ქართული ქართველთ რწმენა!“

ცენტრის მიერ მოეწყო, ასფალტზე ცარცით ხატვის კონკურსი. 100-მა ახალგაზრდა მოყვარულმა მხატვარმა, ტყე პარკის ტერიტორია ფერადი ცარცით მოხატა.

საანგარიშო პერიოდში, „ფერების ფესტივალი“ გრანდიოზულად აღინიშნა. მოეწყო ახალგაზრდული აქტივობები; წარმოდგენილი იქნა დიჯეი-შოუ პროგრამა; ასევე, გაიმართა მომღერალ „თამადას“ კონცერტი.

საანგარიშო პერიოდში, სამსახურის მიერ განხორციელდა სხვადასხვა სასწავლო-შემეცნებით და გასართობი აქტივობა. პროექტი „საზაფხულო სკოლა”-ს ფარგლებში, 100-მა ბავშვმა მიიღო მონაწილეობა. 4 დღის განმავლობაში ბავშვებმა განივითარეს კომუნიკაციური ინდივიდუალურ-ჯგუფური უნარები, შეიძინეს მეგობრები. პროექტის ფარგლებში ქ. თელავში, ბავშვთა გასართობ ცენტრში ექსკურსია მოეწყო.

ა (ა)იპ ლაგოდების მუნიციპალიტეტის კულტურის,

სპორტისა და ახალგაზრდობის საქმეთა

განვითარების ცენტრი დირექტორი:

/ნ. ბალაშვილი/

